

CONVENIO DE COLABORACIÓN ENTRE A CONSELLERÍA DE SANIDADE, O SERVIZO GALEGO DE SAÚDE E A FEDERACIÓN GALLEGA DE ASOCIACIONES DE ATENCIÓN A LAS PERSONAS CON PARÁLISIS CEREBRAL (ASPACE GALICIA) PARA A REALIZACIÓN DE ACTIVIDADES DE ASESORAMENTO E APOIO NA INSERCIÓN LABORAL DE PERSOAS CON DISCAPACIDADE INTELECTUAL NO SISTEMA SANITARIO PÚBLICO DE GALICIA

MEMORIA XUSTIFICATIVA

O xerente do Servizo Galego de Saúde, **DECLARA:**

Que o Servizo Galego de Saúde e a Consellería de Sanidade formalizaron coa Federación Galega de Asociacións de Atención a Persoas con Parálise Cerebral (ASPACE Galicia) o instrumento convencional arriba referido por un período de vixencia que abrangue até o 20 de setembro de 2020, susceptible de ser prorrogado.

Que o instrumento convencional ten por obxecto establecer as condicións polas que se rexerá a colaboración entre as partes, para o desenvolvemento de actividades que teñan por finalidade facilitar a adaptación e o desenvolvemento das funcións nos postos de traballo das persoas con parálise cerebral e/ou patoloxías afíns que pasen a prestar servizos no Servizo Galego de Saúde, como persoal estatutario fixo ou persoal temporal, mediante a realización dunha serie de actuacións, tales como apoio na adaptación de medios e tempos nas probas selectivas de acceso a prazas reservadas a persoas con parálise cerebral e/ou patoloxías afíns nas ofertas públicas de emprego do Servizo Galego de Saúde, apoio no proceso de inserción e adaptación efectiva ao posto de traballo dos traballadores con parálise cerebral e/ou patoloxías afíns, así como do seu entorno laboral e seguimento do desempeño da actividade laboral, incluíndo formación continua en competencias instrumentais, transversais e laborais para este colectivo, de acordo cos resultados da detección de necesidades formativas.

Que existe converxencia de intereses entre as entidades asinantes en orde á consecución do obxectivo referido.

Que o instrumento convencional que se asina se fundamenta no seguinte:

A Federación ASPACE Galicia, entidade sen ánimo de lucro e de referencia a nivel autonómico na atención a persoas con parálises cerebral, ten como misión favorecer a coordinación e cooperación entre asociacións de parálises cerebral e outras entidades, de xeito que a unión e a forza das mesmas, logren a igualdade de oportunidades das persoas con parálises cerebral. Asemade, persegue, como obxectivos específicos, coordinar, impulsar e potenciar os obxectivos e as actividades das súas asociacións membros; representar aos seus membros en cuestións de interese xeral ou a petición dos mesmos; promover o estudo a información e a difusión dos problemas que afectan ás persoas con parálise cerebral, así como as súas solucións; e fomentar e desenvolver actividades deportivas, de ocio e tempo libre, nas que interveñan persoas con parálise cerebral, así como súas solucións, así como calquera outro que, de modo directo ou indirecto, poda contribuír á realización dos fins da Federación e das súas asociacións membros, que redunden en beneficio das persoas con parálises cerebral e/ou das súas familiar ou representantes legais.

Estes obxectivos non son excluíntes das accións que en idéntico senso podan levar a cabo as asociacións membros desta Federación, de acordo cos seus propios Estatutos.

Pola súa banda, a Lei 2/2015, do 29 de abril, do emprego público de Galicia, aplicable ao persoal estatutario do Servizo Galego de Saúde, establece no seu artigo 48.2 que nas ofertas de emprego público reservárase unha porcentaxe non inferior ao sete por cento das prazas convocadas para seren cubertas entre persoas con discapacidade, sempre que superen as probas selectivas e acrediten a súa discapacidade e a compatibilidade desta co desempeño das tarefas e funcións, de xeito que progresivamente se alcance o dous por cento dos efectivos totais de cada Administración pública incluída no ámbito de aplicación desta lei.



A reserva do mínimo do sete por cento realizarase de maneira que, polo menos o dous por cento das prazas ofertadas o sexa para seren cubertas por persoas que acrediten discapacidade intelectual, e o resto das prazas ofertadas o sexa para persoas que acrediten calquera outro tipo de discapacidade.

Por todo o anterior, as partes asinantes están interesadas en colaborar, aproveitando os seus recursos, para facilitar ás persoas con parálise cerebral e/ou patoloxías afíns que pasen a prestar servizos no Servizo Galego de Saúde a adaptación e o desenvolvemento das funcións nos seus postos de traballo, motivo polo que acordaron subscribir o citado convenio.

Os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados na Lei 9/2017, do 8 de novembro, de Contratos do Sector Público, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2 da Lei 1/2016, do 18 de xaneiro, de transparencia e bo goberno, estímase xustificado o recurso á sinatura do instrumento convencional, con exclusión doutras figuras.

E para que conste, asínase esta memoria, en Santiago de Compostela.

